


# Yusufu a Konyiyana a Fe

(Yusufu Dɔxɔde 2)

Taruxuni ito kelixi

Dunuɲa Fɔlɔna sora 39 nun sora 40



© Bible Visuals International



© Bethany Fellowship Inc

En na a kolon, Yusufu tadane bata yi a mati Sumayila bɔnsɔnna muxune ma, naxanye yi yulayaan ligama.

E yi siga a ra Misiran yamanani, e yi a mati alo konyina. Misiran kaan naxan yi xili Potifari, na yi Yusufu sara.

Potifari yi findixi muxu gbeen nan na naxan yi walima Mangan xa.

Na waxatini, Yusufu yi jɛɛ fu nun solofere sɔtɔ.



© Bethany Fellowship Inc

Yusufu yi makuya a yamanana pon!  
Koni, hali Yusufu tadane bata yi a  
raɗaxu mumε, hali fe ɗaxini ito bata  
a li, Yusufu mi a xun xanbi so Ala yi.

Yusufu bata yi a ragidi nun a xa wanli  
kende liga a fangan birin na, hali a to  
yi konyiyani.

Waxatin birin, Yusufu yi wama nen,  
a xa Ala sagoon nan liga.

Na kui, Ala yi barakan sa kuntigi  
Potifari yi Yusufu a fe ra.


Yusufu yi tofan nen mumε! Potifari a naxanla yi a to, a rafan a ma feu! A yi kunfa Yusufu xɔn ma han a yi wama a findi feni a yangan na.

Koni Yusufu yi a kolon nun, haramu fen nan na ra Ala yεε ra yi. Nayi, a bata tondi na yanga feen ma.

Potifari a naxanla kata nen sobena alogo e nun Yusufu xa fe naxin liga. Koni Yusufu mi tinje mumε!


Lɔxɔna nde, na naxanla yi dutun Yusufu a domain ma, koni Yusufu yi a ba a domani, a yi a gi. A domain yi lu na naxanla yii.

Na naxanla yi xɔlɔ mumε. A sɔnxɔni te. A yi wulen fala, a naxa, “Konyin bata dutun n ma.”



© GRN

Potifari yi xɔɔ han a yi Yusufu bira  
kasoon na. Hali na, Ala mɔn yi jɔɔɔ  
saxi Yusufu xɔn ma.




© Bible Visuals International

Yusufu yi kasona, Ala yi Yusufu a fe hinanna lu kaso kantan kuntigi nin.

Kaso wanla yi taxu Yusufu ra.  
A yi na wanla kema ki faji.

Ala yi barakan sa Yusufu a fe yi.





© Bible Visuals International

Ƙɔɔna nde, Misiran mangan yi xɔɔ a walike firin ma. Bonna, buru ganna nan na ra. Bonna, na yi yengi saxi a minseene xɔn ma. Ne muxu firinne yi bira e kanna ra, e yi e kanna haken tongo.

Mangan yi e sa kason na.  
E yi taxu Yusufu ra kasoni.

Ƙɔɔna nde, Yusufu yi e yetagi mato.  
E nimisaxi mumε! Yusufu yi e maxɔdin,  
a naxa, “ε nimisaxi nanfera?”

E yi a yabi, e naxa, “Nxu birin xiyena nde nan saxi nxu mi naxan bun kolon.” Yusufu yi a fala e xa, a naxa, “Ala na xiyen bunna kolonma nen. ε xiyene fala n xa.”

Naxan yi yengi saxi minseen xɔn ma, na singen yi a gbe xiye yɛba. A naxa, “N xiye saxi manpan binla nan na n yɛtagi. A yii saxan yi nayi, ne yi bogi faɲin namini, alo ɲaxundan tɔnsɔnne. N yi na tɔnsɔnne tongo, n ne yi bundu, n ne sa kopun kui, n na soma mangan yii.”

Yusufu naxa, “A bunna ni ito ra. Na wudin yii saxan bunna nɛn xii saxan. Soge saxan to xanbi ra, mangan i raminima nɛn kasoon na, a yi i raxɛtɛ i ya walideni. I mɔn fama nɛn manpan nɛnɛ sodeni mangan yii. Koni, i na mini kasoon na, i nama ɲinan n xɔn ma. I n ma fe yɛba mangan xa. N mali, alogo n fan xa mini be yi.”



© Bible Visuals International



Na xanbi ra, buru ganna yi a gbe xiyen yeba. A naxa, “N tan xiyeni ito nan saxi. Debe saxan dɔxi n xun ma. Buru ganxine e kui, mangan nan gbee ra. Xɔline yi na burun donma naxan yi na deben kui.”

Yusufu yi a yabi na xiyen ma, a naxa, “Deben saxanna, xii saxan nan falaxi. A soge saxandeni to xanbi ra, i faxama nen. Mangana i singama nen wudin na, xɔline yi fa, e yi i don.”



© Bible Visuals International

Ne yi liga alo Yusufu a falaxi kiin de.

Soge saxanna danguxina, naxan yengi dɔxi minseen xɔn ma, mangan yi na raxete a walideni.

Buru ganna, mangan yi a singan wudin kɔɛ ra, xɔline yi na don.

Koni naxan yi yengi saxi mangan minseen xɔn ma, a yi ninan Yusufu xɔn ma. Nayi, Yusufu yi lu kason na.



Publié par la Mission Protestante MCA

République de la Guinée

Novembre 2021

Révision novembre 2023

Dessins viennent de © Bible Visuals International

© Global Recordings (GNR) (p. 3)

Avec permission

Et de Bethany Fellowship Inc. (p. 1, 2)